

قصة بداية العالم
سفر التكوين
الفصل واحد إلى الفصل خمسة

سفر التكوين

1

بداية العالم

¹فالبداية خلق مولانا العالم. وهاذي هي الطريقة اللي خلّكو بيها: ²فالبداية كانت لارض ماهي منتظمة ولا فيها شي، وكانت الظلمة امغطية الماء، وروح مولانا يحوم فوقها. ³وكمال مولانا: يخلّك النور. واخلّك النور. ⁴وخرص مولانا النور وشاف النور زين. وافصل مولانا النور عن الظلمة. ⁵وسما مولانا النور انهار، وسما الظلمة ليل. وعاد ليل وعاد امع الصباح. وكان ذاك هو اليوم لأول.

⁶وكمال مولانا: تخلّك قبة امبين المياه اياك اتكسم المياه شور قسمين. ⁷وخلّك مولانا قبة وافصل المياه اللي تحت القبة عن المياه اللي فوقها. واخلّك هاذا. ⁸وسما مولانا القبة السما. وعاد ليل وعاد امع الصباح. وكان ذا اليوم الثاني.

⁹وكمال مولانا: يجتمعو المياه اللي تحت السما كاملين فابليدة وحدة اياك تظهر التراب. واخلّك ذا. ¹⁰وسما مولانا هاذي التراب لارض، وسما أبلد امنين اجتمعو المياه لبحور. وخرص مولانا وشاف ذاك كامل زين. ¹¹وكمال مولانا: تعطي لارض النباتات اللي فيهم لبذور، ويخلّك اصدر رافد الثمار اللي فيهم لبذور بكل أنواعهم اعلى لارض. واخلّك ذا. ¹²ووخظت لارض النباتات اللي فيهم لبذور بكل أنواعهم، واعطت املي اصدر رافد اثمار فيهم لبذور من نوعهم. وخرص مولانا وشاف ذا كامل زين. ¹³وعاد ليل وعاد امع الصباح. وكان ذا اليوم الثالث.

¹⁴وكمال مولانا: يخلّكو لأنوار فقبة السما اياك يميزو النهار عن الليل ويعودو علامات يحددو لأيام والسنين ولعياد. ¹⁵ويخلّكو أنوار فقبة السما اياك يظو اعلى لارض. واخلّك ذا.

¹⁶وخلّك مولانا لأنوار لكبار لأثنين: خلّك النور لأول لكبير اياك يعود

فانهار، وخلق النور الثاني الصغير اياك يعود فاليل، وخلق مولانا النجوم املي.¹⁷ ودار مولانا هادو لأنوار فقبة السما اياك ايطو اعلى لارض،¹⁸ واجعلهم مولانا هوما المسؤولين عن انهار وليل وهوما اللي يميزو النور من الظلمة. وخرص مولانا وشاف ذا كامل زين.¹⁹ وعاد ليل وعاد امع الصباح. وكان ذا اليوم الرابع.

²⁰وعاكب ذا كمال مولانا: تمتلا المياه بياسر من المخلوقات الحيين، واتعود فم اطيور اطيور امبين لارض والسما.²¹ وخلق مولانا وحوش لبحور لكبار ، وكيف ما خلق المخلوقات الحيين كاملين اللي املان منهم الماء، خلقهم من كل نوع. وخلق املي كل اطيور بريشاتو من كل نوع. وخرص مولانا هادو وشافو زين.²² ودار مولانا فيهم البركة وكمال: اثمرو واكثارو ويمتلاو مياه لبحور بالمخلوقات، ويكثارو الطيور اعلى لارض.²³ وعاد ليل وعاد امع الصباح. وكان ذا اليوم الخامس.

²⁴وكمال مولانا: تعطي لارض مخلوقات حيين من كل نوع: من حيوان يُربّا وزواحف وحيوانات لخلا من كل نوع. واخلق ذا.²⁵ وخلق مولانا الحيوانات لخلا من كل نوع، والحيوان اللي يُربّا من كل نوع، وكل حيوان يزحف اعلى التراب من كل نوع. وخرص مولانا وشاف ذا زين.²⁶ وعاكب ذاك كمال مولانا: انخلكو لإنسان اعلى شي من صيفاتنا، وسلط مولانا لإنسان اعلى حوت لبحر واطيور السما والحيوان اللي يُربّا وحيوان لخلا اعلى التراب واعلى كل حيوان يزحف اعلى التراب .

²⁷وخلق مولانا لإنسان اعلى شي من صيفاتو، اعلى شي من صيفاتو خلقهم راجل وامرة.²⁸ ودار مولانا فيهم البركة وكمال: اثمرو واكثارو وعودو ياسرين وسيطرو اعلى لارض، واتسلطو اعلى حوت لبحر واطيور السما وكل شي يتحرك اعلى لارض.²⁹ وكمال مولانا: اراني اعطيتكم كل اصدر اعلى وجه لارض رافد ابذور. اعطيتكم كل صدراية رافدة لكم ثمار اياك توكلوهم.³⁰ يغير لحيوانات لارض واطيور السما كاملين وكل الحيوانات الصغيرة اللي تزحف وكل مخلوق فيه روح، اتعود النباتات اطعامها. واخلق ذا.³¹ وخرص مولانا هادو وشافو زين حته. وعاد ليل وعاد امع الصباح. وكان ذا اليوم السادس.

بداية العالم

اخلاقة العالم- القصة الثانية

¹وبهاذي الطريقة اوفاو السماوات ولارض وذا كامل اللي فيهم. ²وعاكب يلين اوفانا من شغلتنو كامل، استراح فالיום السابع. ³وبارك مولانا اليوم السابع وكمال اعلنو مخلصلو، بيهلي اوفافيه من خلق العالم. ⁴هاذي هي قصة السماوات ولارض وقت اخلاقتهم: اليوم اللي خلق الله تعالى لارض والسماوات.

⁵ما كانت أي اربعة خالقة اعلى لارض، ولا كان املي أي اصدر فات انبت، بيهلي الله تعالى مافات فهذا الوقت مشا اسحاب اعلى لارض، ولا كان فات اخلق أي آرچاج يحرث التراب. ⁶يغير كان يوظظ من لارض فهذا الوقت عين من الما تسكي التراب. ⁷وعاكب ذاك خلق الله تعالى الراجل من التراب وانفخ فاخنافرو الحياة وعاد الراجل نفس حية. ⁸وعاكب ذاك اغرس الله تعالى اصدر فابليدة زينة فعدن فالشرق وفم عاد عايش الراجل اللي خلق. ⁹ونبت الله تعالى من لارض كل نوع من الصدر الزين و صالح للوكيل. وكانت فوسط هادي لبليدة الزينة صدراية تعطي الحياة وصدراية اخرا تعطي معرفة الصالح والطالح. ¹⁰وكان فم نهر يمشي فهاذي لبليدة الزينة اللي فعدن اياك يسكيها، وكان هادا النهر يتفرعو منو 4 فروع. ¹¹اسم لأول هو فيشون وهو اللي يوظظ احذا ارض الحويلة كاملة ابلد امنين فيه الذهب. ¹²والذهب اللي فم من نوعية زينة، وفم املي ازين لبخور واحجار العقيق. ¹³واسم الثاني هو جيحون وهو اللي يوظظ احذا ارض كوش كاملة. ¹⁴واسم الثالث هو دجلة ويوظظ شرق آشور. والرابع اسمو الفرات.

¹⁵واكبظ الله تعالى الراجل ودارو فهاذي لبليدة الزينة اللي فعدن اياك يحرثها ويرعاها. ¹⁶وصا الله تعالى الراجل وكمالو: اتكد توكل اللي تبغي من الصدر ذي لبليدة اللي فعدن. ¹⁷يغير ذيك الصدراية اللي تعطي معرفة

امبين الصالح والطالح، لا توكل منها، بيهلي الوقت اللي توكل منها لاهي
اتموت .

¹⁸ وڤال الله تعالى: ماهو زين بيڤا الراجل وحدو، ولذاك لاهي انخلڤلو
مُعِين اياك يشارك حياتو امعاه. ¹⁹ وخلق الله تعالى من التراب كل حيوان
فلحريثة وكل اطيور السما. وعاكب ذاك جابهم كاملين للراجل اياك يشوف
شلاهي يسمي كل واحد منهم. وكل مرة يسمي واحد من المخلوقات يعود ذاك
اسمو. ²⁰ وسما الراجل الحيوانات كاملين اللي يُربّاو واطيور السما كاملين
وحيوانات لخلا كاملين ، يغير ما اجبر امبينهم واحد يعاونو ويشابهلو. ²¹ و
رڤد الله تعالى الراجل ارڤاد امتين، وفوقت ارڤادو، اڤبظ الله تعالى ظلعة من
اظلوعو وغطا مكانها بالجل . ²² وعاكب ذاك خلق الله تعالى من الظلعة اللي
اڤبظها من الراجل امرة وڤدمهالو. ²³ وڤال الراجل: ظرك ، هاذي اعظم من
اعظامي ولحمة من لحمي، ولاهي انسميها امرة بيهلي انڤبظت من امرئ.
²⁴ ولذا السبب يخلي الراجل بوه وأمو ويلتصك باعيلالو، ويعودو عايلة وحدة.
²⁵ وكانو الراجل واعيلالو كلهم عريان، يغير ما كانو يستحاو.

بداية العالم

الذنب لأول

¹ وكان الحنش هو أمكر حيوانات لخلا اللي خلق الله تعالى. وكمال للمرة:
 حكحك كالكم الله تعالى : لا توكلو من أي صدراية فهادي لبليدة الزينة ؟
² وكمال للمرة للحنش: ابدي انكدو نوكلو من احدج الصدر كامل اللي فهادي
 لبليدة، ³ يغير الصدراية اللي فوسط هادي لبليدة الزينة، كط كالنا الله تعالى:
 لا توكلو منها ولا اتمسوها اياك ما اتموتو. ⁴ وكمال الحنش للمرة: ابدي مانكم
 لاهي اتموتو . ⁵ يغير الله تعالى يعرف اعلنكم الوقت اللي توكلو منها لاهي
 اتعود عندكم معرفة اجديدة واتعودو كيفت الله تعالى اتميزو امبين الصالح
 والطالح. ⁶ وشافت للمرة اعلن الصدراية زينة للوكيل وتجذب شورها العين،
 ومرغوب فيها بسبب اللي تعطي من الحكمة لحد يوكل منها . وكبظت من
 احدجها وكالت. ومن فم اعطات لراجلها اللي كان امعاها وكال هو املي.
⁷ وانفتحو عينيهم، وفطنو اعلنهم عريانين. وخيطو اورك صدراية التين
 وصنعو لروسهم الباس يغطي عورتهم.
⁸ ومن فم سمعو صوت الله تعالى ماشي فهادي لبليدة الزينة وقت مشي
 الريح، واتروقو الراجل واعيالو من الله تعالى امبين اصدر هادي لبليدة.
⁹ وعيط الله تعالى للراجل وكالو: انتا امنين؟ ¹⁰ وكمال الراجل: اسمعت
 صوتك فهادي لبليدة ونخلعت بيلى آنا عريان، واتروقت عنك. ¹¹ وكالو الله
 تعالى: من كالك اعلنك عريان؟ اترك كلت من الصدراية اللي انهيتك عن
 توكل منها؟ ¹² وكمال الراجل: للمرة اللي امعاي ، اعطاتني من احدج
 الصدراية وكلت. ¹³ وعند ذاك كمال الله تعالى للمرة: ذا اللي عدلتي شنهو؟
 وكالتلو للمرة: الحنش احتال اعلي وكلت من احدج ذيك الصدراية.
¹⁴ وكمال الله تعالى للحنش: بيكلي انتا عدلت ذاك، اتعود ملعون أكثر من
 المخلوقات لخرين كاملين. وكل أيام حياتك لاهي تحبي اعلي كرشك، ولاهي

توكل التراب،¹⁵ ولاهي اندير عداوة امبينك وامبين لمرة وامبين نسلك ونسلها. لاهي بيعج نسلها راسك وانتا لاهي اتعظو فالعركوب.
¹⁶ وڤال الله تعالى للمرة: لاهي انكثر اوجاع حملك. وبالألام لاهي تبراي أولادك، ولاهي تخدمى راجلك، ولاهي يسود اعليك.
¹⁷ وڤال الله تعالى للراجل: انتا اسمعت اللي اقترحت اعليك اعيالك وكلت من الصدراية اللي انهيتك عن توكل منها. ولذا لاهي نلعن لارض، ولانك لاهي اتعود توكل منها يكون بالكد والتعب كل أيام حياتك.¹⁸ ولاهي اتنبتلك الشوك وينيتي، ولاهي توكل من اصدر لحرثة.¹⁹ اتحصل اطعامك باعرك جبهتك، يلين ترجع للتراب اللي اوخلكت منها. من التراب اوخلكت وشور التراب لاهي ترجع.
²⁰ وسما آدم اعيالو حواء بيهلي لاهي اتعود أم البشر كاملين.²¹ واصنع الله تعالى لباس من جلد حيوان لآدم واعيالو، ولبسولهم.
²² وڤال الله تعالى: اراعيه عاد لإنسان كيف واحد منا فالتمييز امبين الصالح والطالح، وظرك عاد يكديمد ايدو ويكبظ من احدث صدراية الحياة ويوكل منها ويعيش إلى الأبد.²³ وصاعو الله تعالى من لبليدة الزينة اللي فعدن اياك يحرث التراب اللي اوخلكت منها.²⁴ وعاكب يلين صاع لإنسان، دار مولانا فجيهة شرق عدن نوع من الملائكة اسمهم الكروبيم اللي كانو رافدين سيف من نار يزكنن اياك يحرس اطريك اللي واعدة صدراية الحياة.

بداية العالم

أول مرة يموت آرڤاج

¹ وعاش آدم اعيالو حواء وحملت منو وخلاتلو اطفيل اسمو قابيل وڤالت: ارزقني الله تعالى باطفيل. ² وعاكب ذاك خلات خوه هابيل. وكان هابيل راعي لغنم، وقابيل كان مزارع. ³ وعاكب فترة ڤدم قابيل لله تعالى قربان من خيرات لارض. ⁴ وهابيل ڤدم اشبه اللي عندو من اكبر لغنم واسمنها. واكل الله تعالى قربان هابيل، ⁵ يغير قربان قابيل ما ڤبلو. وانفكع قابيل حته، و عاد وجهو امعبس. ⁶ وڤال الله تعالى لقابيل، اعلاش تنفكع؟ اعلاش يعبس وجهك؟ ⁷ يلين اتعدل شي صالح نڤبلو، وإلين اتعدل شي ماهو صالح لاهي يعود ذنبك اڤريب من بابك ويدور يتحكم فيك، ولا تخليه يتحكم فيك. ⁸ وڤال قابيل لخوه هابيل: وهاي جاي نمشو شور الخلوات. وقالوقت اللي كانو فيه هوما لأثنين فالخلوات، اهجم قابيل اعلى خوه هابيل وكتلو. ⁹ وڤال الله تعالى لقابيل: امنين خوك هابيل؟ وڤالو قابيل: ما نعرف. أنا اثري حارس لخوي؟ ¹⁰ وڤال الله تعالى: شنهو اللي عدلت؟ دم خوك يزوڤيلي من التراب. ¹¹ من ظرك لارض لعنتك وفتحت فمها لدم خوك اللي اكتلتو بايديك. ¹² يلين تحرث التراب ماهي لاهي تعطيك شي. وانتا لاهي اتعود واقد بلا مسكن. ¹³ وڤال قابيل لله تعالى: عقابي أمتن من انڤد نتحملو. ¹⁴ انتا اليوم صعتني من لارض اياك نختفي من حضرتك وانعود ابلا مسكن فالدنيا، وأي آرڤاج يجبرني يكتلني. ¹⁵ وڤالو الله تعالى: ابدي، اللي يكتلك لاهي انعاقبو باسبع مرات عقابك. ودار الله تعالى علامة اعلى قابيل اياك ما يكتلو حد يجبرو. ¹⁶ وامشا قابيل عن محضر الله تعالى واسكن فارض نود اللي شرق عدن. ¹⁷ وعاشر قابيل اعيالو وحملت وخلاتلو اطفيل اسمو حنوك. وكان قابيل وقتها يبني مدينة، وسماها حنوك اعلى اسم ولو. ¹⁸ وحنوك اجبر إشيرو اسمو عيراد، وعيراد اجبر محويل، ومحويل اجبر متوشيل ومتوشيل اجبر

لامك. ¹⁹ واتعرس لامك امع مرتين: وحدة منهم اسمها عادة ولخرا اسمها
صلة. ²⁰ وخلات عادة يابال وهو أول آرڤاج اسكن فلخيام واسرح لغنم.
²¹ واسم خوه يوبال وهو أول آرڤاج اخبط التيدينييت والنيفارة. ²² وصلة
خلات توبال قابيل وهو أول آرڤاج اصنع آلات من النحاس ولحديد، واختو
اسمها نعمة.

²³ وڤال لامك لاعلياتو عادة وصلة: يا عادة وصلة اسمعو لكلامي يا
اعليات لامك، عدلو ذاللي انڤولكم: أنا اكتلت راجل اجرحني وشاب اخبطني.
²⁴ وبالتالي يلين يعود يخلص لقابيل 7 مرات لاهي يعود يخلص للامك 77
مرة.

²⁵ وعاشر آدم حواء مرة اخرا وخلاتلو اطفيل وسماتو شيث وڤالت:
ارزقني مولانا باطفيل اوخر بل هابيل اللي كتلو قابيل. ²⁶ واجبر شيث اطفيل
وسماه أنوش. وفذاك الوقت ابداءو الناس يعبدو الله تعالى.

بداية العالم

سلسلة نسب النبي آدم يلين النبي نوح

¹هاذا سجل مواليد آدم: اليوم اللي خلق مولانا فيه لإنسان، خلقو اعلى شي من صيفاتو. ²وخلقهم راجل وامرة وباركهم وسماهم لإنسان. ³والين عاد عند النبي آدم 130 سنة، اجبر ول يشابهلو اعلى صيفاتو وسماه شيث. ⁴وعاش آدم بعد اخلاكة شيث 800 سنة، واجبر فيها أولاد آخرين وامنات. ⁵وكان آدم عندو 930 يلين اتوفا .

⁶والين عاد عند شيث 105 سنوات اجبر أنوش. ⁷وعاش شيث بعد ذاك 807 سنوات، واجبر فيها أولاد آخرين وامنات. ⁸وكان عند شيث 912 سنة وقت وفاتو .

⁹والين عاد عند أنوش 90 سنة اجبر قينان. ¹⁰وعاش أنوش عاكب ذاك 815 سنة، واجبر فيها أولاد آخرين وامنات. ¹¹وكان عند أنوش 905 سنوات وقت وفاتو .

¹²والين عاد عند قينان 70 سنة اجبر مهللئيل. ¹³وعاش قينان بعد ذاك 840 سنة، واجبر فيها أولاد آخرين وامنات. ¹⁴وكان عند قينان 910 سنوات وقت وفاتو .

¹⁵والين عاد عند مهللئيل 65 سنة اجبر يارد. ¹⁶وعاش مهللئيل عاكب ذاك 830 سنة، واجبر فيها أولاد آخرين وامنات. ¹⁷وكان عند مهللئيل 895 سنة وقت وفاتو .

¹⁸والين عاد عند يارد 162 سنة اجبر النبي إدريس. ¹⁹وعاش يارد عاكب ذاك 800 سنة، واجبر فيها أولاد آخرين وامنات. ²⁰وكان عند يارد 962 سنة وقت وفاتو .

²¹والين عاد عند النبي إدريس 65 سنة اجبر متوشالح. ²²وعاش النبي إدريس عاكب ذاك 300 سنة. كان متقي فيها مولانا، واجبر فيها أولاد

وامنات.²³ وكان عند النبي إدريس فهذا الوقت 365 سنة.²⁴ وكان النبي إدريس متقي فيها مولانا. وعاكب ذاك اختفا النبي إدريس بيهلي رفعو مولانا شورو.²⁵ وإلين عاد عند متوشال 187 سنة اجبر لامك.²⁶ وعاش متوشال عاكب ذاك 782 سنة، واجبر فيها أولاد آخرين وامنات.²⁷ وكان عند متوشال 969 سنة وقت موتو.²⁸ وإلين عاد عند لامك 182 سنة اجبر اطفيل،²⁹ وسماه نوح وكمال: هاذا الول يخفف عنا تعبنا والمشقات اللي انعانوها فلارض اللي العنها الله تعالى.³⁰ وعاش لامك بعد اخلاكة نوح 595 سنة، واجبر فيها أولاد آخرين وامنات.³¹ وكان عند لامك 777 سنة وقت وفاتو.³² وإلين عاد عند نوح 500 سنة، اجبر سام وحام ويافت.